

0.0.1 makhādevasuttaṃ

1. evaṃ me suttaṃ: ekaṃ samayaṃ bhagavā mithilāyaṃ viharati makhādevambavane. atha kho bhagavā aññatarasmiṃ padese sitaṃ pātvākāsi. atha kho āyasmato ānandassa etadahosi: ko nu kho hetu, ko paccayo bhagavato sitassa pātukammāya? na akāraṇe tathāgatā sitaṃ pātukarontī'ti. atha kho āyasmā ānando ekaṃsaṃ cīvaraṃ katvā yena bhagavā tenañjalimpaṇāmetvā bhagavantaṃ etadavoca: ko nu kho bhante hetu, ko paccayo bhagavato sitassa pātukammāya? na akāraṇe² tathāgatā sitaṃ pātukarontī'ti.

2. bhūtapubbaṃ ānanda, imissāyeva mithilāyaṃ rājā ahosi makhādevo³ nāma dhammiko dhammarājā dhamme t̥hito mahārājā dhammaṃ carati brāhmaṇagahapati-kesu negamesu⁴ cepi jānapadesu ca. uposathañca upavasati cātuddasiṃ pañcadasiṃ aṭṭhamiñca pakkhassa.

3. atha kho ānanda, rājā makhādevo bahunnaṃ⁵ vassānaṃ bahunnaṃ vassasatānaṃ bahunnaṃ vassasahassānaṃ accayena kappakaṃ āmantesi: 'yadā me samma kappaka, passeyyāsi sirasmiṃ palitāni⁶ jātāni, atha me āroceyyāsi'ti. evaṃ devāti kho ānanda, kappako rañño makhādevassa paccassosi. addasā kho ānanda, kappako bahunnaṃ vassānaṃ bahunnaṃ vassasatānaṃ bahunnaṃ vassasahassānaṃ accayena rañño makhādevassa sirasmiṃ palitāni jātāni. disvāna rājānaṃ makhādevaṃ etadavoca: pātubhūtā kho devassa devadūtā, dissanti sirasmiṃ palitāni⁶ jātāni'ti. tena

hi samma kappaka, tāni palitāni sādhuḥkaṃ saṇḍāsena uddharitvā mama⁷ añjalismiṃ patitṭhāpehī'ti. evaṃ devāti kho ānanda, kappako rañño makhādevassa paṭissutvā tāni palitāni sādhuḥkaṃ saṇḍāsena uddharitvā rañño makhādevassa añjalismiṃ patitṭhāpesi.

4. atha kho ānanda, rājā makhādevo kappakassa gā-mavaraṃ datvā jeṭṭhaputtaṃ kumāraṃ āmantāpetvā etadavoca: pātubhūtā kho me tāta kumāra devadūtā, dissanti sirasmiṃ palitāni jātāni, bhuttā kho pana me mānusakā kāmā, samayo dibbe kāme pariyesituṃ. ehi tvam tāta kumāra, imaṃ rajjaṃ paṭipajja. ahaṃ pana kesamassuṃ ohāretvā kāsāyāni vatthāni acchādetvā agāraśmā anagāriyaṃ pabbajissāmi. tena hi tāta kumāra, yadā tvampi passeyyāsi sirasmiṃ palitāni jātāni, atha kappakassa gāmavaraṃ datvā jeṭṭhaputtaṃ kumāraṃ sādhuḥkaṃ rajje samanūsāsivā kesamassuṃ ohāretvā kāsāyāni vatthāni acchādetvā agāraśmā anagāriyaṃ pabbajeyyāsi. yena me idaṃ kalyāṇaṃ vaṭṭaṃ¹ nihitaṃ anuppavatteyyāsi. mā kho me tvam antimapuriso ahosi. yasmiṃ kho tāta kumāra, purisa-yuge vattamāne evarūpassa kalyāṇassa vaṭṭassa samucchedo hoti so tesam antimapuriso hoti. taṃ tāhaṃ tāta kumāra, evaṃ vadāmi: yena me idaṃ kalyāṇaṃ vaṭṭaṃ nihitaṃ anuppavatteyyāsi, mā kho me tvam antimapuriso ahosī'ti.

5. atha kho ānanda, rājā makhādevo kappakassa gāmavaraṃ datvā jeṭṭhaputtaṃ kumāraṃ sādhuḥkaṃ rajje samanūsāsivā imasmiṃyeva makhādevambavane ke-

samassuṃ ohāretvā kāsāyāni vatthāni acchādetvā agā-rasmā anagāriyaṃ pabbaji. so mettāsahagatena cetasā ekaṃ disaṃ pharitvā vihāsi, tathā dutiyaṃ, tathā tatiyaṃ, tathā catutthiṃ,² iti uddhamadho tiriyaṃ sabbadhi sabbattatāya sabbāvantaṃ lokaṃ mettāsahagatena cetasā vipulena mahaggatena appamāṇena averena abyāpajjhena pharitvā vihāsi. karuṇāsahagatena cetasā -pe- muditāsahagatena cetasā -pe- upekkhāsahagatena cetasā ekaṃ disaṃ pharitvā vihāsi, tathā dutiyaṃ, tathā tatiyaṃ, tathā catutthiṃ² iti uddhamadho tiriyaṃ sabbadhi sabbattatāya sabbāvantaṃ lokaṃ upekkhāsahagatena cetasā vipulena mahaggatena appamāṇena averena abyāpajjhena pharitvā vihāsi.

6. rājā kho panānanda, makhādeva caturāsītivassasahassāni kumārakīlitaṃ kīli, caturāsītivassasahassāni oparajjaṃ³ kāresi, caturāsītivassasahassāni rajjaṃ kāresi, caturāsītivassasahassāni imasmiṃyeva makhādevambavane agāasmā anagāriyaṃ pabbajito brahmacariyaṃ cari. so cattāro brahmavihāre bhāvetvā kāyassa bhedaṃ parammaraṇā brahmalokūpago ahosi.

7. atha kho ānanda, rañño makhādevassa putto bahunnaṃ vassānaṃ bahunnaṃ vassasatānaṃ bahunnaṃ vassasahassānaṃ accayena kappakaṃ āmantesi: 'yadā me samma kappaka, passeyyāsi sirasmiṃ palitāni jātāni, atha me āroceyyāsī'ti. evaṃ devāti kho ānanda, kappako rañño makhādevassa puttassa pacassosi. addasā kho ānanda, kappako bahunnaṃ vas-

sānaṃ bahunnaṃ vassasatānaṃ bahunnaṃ vassasa-
hassānaṃ accayena rañño makhādevassa puttassa si-
rasmiṃ palitāni jātāni. disvāna rañño makhādevassa
puttaṃ etadavoca: ‘pātubhūtā kho devassa devadūtā,
dissanti sirasmiṃ palitāni jātānī’ti. tena hi samma
kappaka, tāni palitāni sādhukaṃ saṇḍāsena uddhari-
tvā mama añjalismiṃ patiṭṭhāpehī’ti. evaṃ devāti kho
ānanda, kappako rañño makhādevassa puttassa paṭi-
sutvā tāni palitāni sādhukaṃ saṇḍāsena uddharitvā
rañño makhādevassa puttassa añjalismiṃ patiṭṭhāpesi.

8. atha kho ānanda, rañño makhādevassa putto kap-
pakassa gāmaṃ datvā jeṭṭhaputtaṃ kumāraṃ āman-
tāpetvā etadavoca: ‘pātubhūtā kho me tātā kumāra
devadūtā, dissanti sirasmiṃ palitāni jātāni, bhuttā kho
pana me mānusakā kāmā, samayo dibbe kāme pariye-
situm. ehi tvaṃ tātā kumāra, imaṃ rajjaṃ paṭipajja.
ahaṃ pana kesamassum ohāretvā kāsāyāni vatthāni
acchādetvā agārasmā anagāriyaṃ pabbajissāmi. tena
hi tātā kumāra, yadā tvampi passeyyāsi sirasmiṃ pa-
litāni jātāni, atha kappakassa gāmaṃ datvā jeṭ-
ṭhaputtaṃ kumāraṃ sādhukaṃ rajje samanūsāsivā
kesamassum ohāretvā kāsāyāni vatthāni acchādetvā
agārasmā anagāriyaṃ pabbajeyyāsi. yena me idaṃ
kalyāṇaṃ vaṭṭaṃ nihitaṃ anuppavatteyyāsi, mā kho
me tvaṃ antimapuriso ahoṣi. yasmiṃ kho tātā ku-
māra, purisayuge vattamāne evarūpassa kalyāṇassa
vaṭṭassa samucchedo hoti, so tesam antimapuriso hoti.
taṃ tāhaṃ tātā kumāra, evaṃ vadāmi: yena me idaṃ
kalyāṇaṃ vaṭṭaṃ nihitaṃ anuppavatteyyāsi, mā kho

me tvam antimapuriso ahosī'ti.

9. atha kho ānanda, rañño makhādevassa putto kap-pakassa gāmavaram datvā jetṭhaputtam kumāram sādhu-kam rajje samanūsāsivā imasmiṃyeva makhādevambavane kesamassuṃ ohāretvā kāsāyāni vatthāni acchādetvā agāasmā anagāriyam pabbaji. so met-tāsahagatena cetasā ekaṃ disaṃ pharivā vihāsi, tathā dutiyam, tathā tatiyam, tathā catutthim. iti uddhamadho tiriyaṃ sabbadhi sabbattatāya¹ sabbāvantam lokam mettāsahagatena cetasā vipulena mahag-gatena appamāṇena averena abyāpajjhena pharivā vihāsi. karuṇāsahagatena cetasā -pe- muditāsahagatena cetasā -pe- upekkhāsahagatena cetasā ekaṃ disaṃ pharivā vihāsi, tathā dutiyam, tathā tatiyam, tathā catutthim. iti uddhamadho tiriyaṃ sabbadhi sabbattatāya sabbāvantam lokam upekkhāsahagatena cetasā vipulena mahaggatena appamāṇena averena abyā-pajjhena pharivā vihāsi.

10. rañño kho panānanda, makhādevassa putto caturāsītivassasahassāni kumārakīlitaṃ kīḷi, caturāsītivassasahassāni oparajjam kāresi, caturāsītivassasahas-sāni rajjam kāresi, caturāsītivassasahassāni imasmiṃyeva makhādevambavane agāasmā anagāriyam pabbajito brahmacariyam cari. so cattāro brahmavihāre bhāvetvā kāyassa bhedaṃ parammaraṇā brahmalokū-pago ahosi.

11. rañño kho panānanda, makhādevassa puttappa-puttakā² tassa paramparā caturāsītikhattiyasahassāni³ imasmiṃyeva makhādevambavane kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajīṃsu. te mettāsahagatena cetasā ekaṃ disaṃ pharitvā viharīṃsu, tathā dutiyaṃ, tathā tatiyaṃ, tathā catutthiṃ.⁴ iti uddhamadho tiriyaṃ sabbadhi sabbattatāya sabbāvantam lokam mettāsahagatena cetasā vipulena mahaggatena appamāṇena averena abyāpajjhena pharitvā viharīṃsu. karuṇāsahagatena cetasā -pe- muditāsahagatena cetasā -pe- upekkhāsahagatena cetasā ekaṃ disaṃ pharitvā viharīṃsu. tathā dutiyaṃ, tathā tatiyaṃ, tathā catutthiṃ. iti uddhamadho tiriyaṃ sabbadhi sabbattatāya sabbāvantam lokam upekkhāsahagatena cetasā vipulena mahaggatena appamāṇena averena abyāpajjhena pharitvā viharīṃsu.

12. te caturāsītivassasahassāni kumārakīlitaṃ kīlīṃsu, caturāsītivassasahassāni oparajjam¹ kāresuṃ, caturāsītivassasahassāni rajjam kāresuṃ, caturāsītivassasahassāni imasmiṃyeva makhādevambavane agārasmā anagāriyaṃ pabbajitā brahmacariyaṃ carīṃsu. te cattāro brahmavihāre bhāvetvā kāyassa bhedaṃ parammaṃ brahmalokūpagā ahesuṃ.

13. nimi tesam rājā rājānam² pacchimako ahosi dhammiko dhammarājā dhamme t̥hito mahārājā dhammam carati brāhmaṇagahapatikesu negamesu ceva jānapadesu ca, uposathañca upavasati cātuddasiṃ pañcada-

siṃ aṭṭhamiñca pakkhassa. bhūtapubbaṃ ānanda, devānaṃ tāvatiṃsānaṃ sudhammāyaṃ sabhāyaṃ sannisinānaṃ sannipatitānaṃ ayamantarākathā udapādi: ‘lābhā vata bho videhānaṃ, suladdhaṃ vata bho videhānaṃ, yesaṃ nimi rājā dhammiko dhammarājā dhamme ṭhito mahārājā dhammaṃ carati brāhmaṇagahapatikesu negamesu ceva jānapadesu ca, uposathañca upavasati cātuddasiṃ pañcadasīṃ aṭṭhamiñca pakkhassā’ti.

14. atha kho ānanda, sakko devānamindo deve tāvatiṃse āmantesi: ‘iccheyyātha no tumhe mārīsā, nimiṃ rājānaṃ daṭṭhanti icchāma mayaṃ mārīsa, nimiṃ rājānaṃ daṭṭhanti. tena kho pana samayena nimi rājā tadahuposathe pannarase sasīsaṃ nahāto³ uposathiko upari pāsādavaragato nisinnō hoti. atha kho ānanda, sakko devānamindo seyyathāpi nāma balavā puriso sammiñjitaṃ vā bāhaṃ pasāreyya, pasāritaṃ vā bāhaṃ sammiñjeyya, evamevaṃ devesu tāvatiṃsesu antarahito nimissa rañño pamukhe pāturahosi.

15. atha kho ānanda, sakko devānamindo nimiṃ rājānaṃ etadavoca: ‘lābhā te mahārāja, suladdhaṃ te mahārāja. devā te mahārāja, tāvatiṃsā sudhammāyaṃ sabhāyaṃ kittayamānarūpā sannisinā: ‘lābhā vata bho videhānaṃ, suladdhaṃ vata bho videhānaṃ, yesaṃ nimi rājā dhammiko dhammarājā dhamme ṭhito mahārājā dhammaṃ carati brāhmaṇagahapatikesu negamesu ceva jānapadesu ca, uposathañca upavasati cātuddasiṃ pañcadasīṃ aṭṭhamiñca pakkhassā’ti. devā te mahārāja, tāvatiṃsā dassanakāmā, tassa te ahaṃ

mahārāja, saḥassayuttaṃ ājaññarathaṃ paḥiṇissāmi, abhiruḥeyyāsi mahārāja, dibbaṃ yānaṃ avikampamāno'ti. adhiṇṇāsesi kho ānanda, nimi rājā tuṇḥibhāvena. atha kho ānanda, sakko devānamindo nimissa rañño adhi-
vāsanaṃ viditvā seyyathāpi nāma balavā puriso sa-
miñjitaṃ vā bāhaṃ pasāreyya, pasāritaṃ vā bāhaṃ
samiñjeyya, evamevaṃ nimissa rañño pamukhe anta-
rahito devesu tāvatimṣesu pāturahosi.

16. atha kho ānanda, sakko devānamindo mātalisāṅ-
gāhakaṃ āmantesi: ehi tvaṃ samma mātali, saḥas-
sayuttaṃ ājaññarathaṃ yojetvā nimim rājānaṃ upa-
saṅkamitvā evaṃ vadesi: 'ayaṃ te mahārāja, saḥas-
sayutto ājaññaratho sakkena devānamindena pesito.
abhiruḥeyyāsi mahārāja, dibbaṃ yānaṃ avikampamāno'ti.
evaṃ bhaddantavāti¹ kho ānanda, mātali saṅgāhako
sakkassa devānamindassa paṭissutvā saḥassayuttaṃ
ājaññarathaṃ yojetvā nimim rājānaṃ upasaṅkamitvā
etadavoca: 'ayaṃ te mahārāja, saḥassayutto ājañña-
ratho sakkena devānamindena pesito, abhiruha ma-
hārāja, dibbaṃ yānaṃ avikampamāno. api ca mahā-
rāja, katamena taṃ nemi, yena vā pāpakammā pāpa-
kānaṃ kammānaṃ vipākaṃ paṭisaṃvedenti, yena vā
kalyāṇakammā kalyāṇānaṃ kammānaṃ vipākaṃ paṭi-
saṃvedenti'ti? ubhayeneva maṃ mātali nehīti. sam-
pāpesi² kho ānanda, mātalisāṅgāhako nimim rājānaṃ
sudhammaṃ sabhaṃ.³ addasā kho ānanda, sakko de-
vānamindo nimim rājānaṃ dūratova āgacchantaṃ. di-
svāna nimim rājānaṃ etadavoca: ehi kho mahārāja,
svāgataṃ⁴ mahārāja, devā te⁵ mahārāja, tāvatimṣā

sudhammāyaṃ sabhāyaṃ kittayamānarūpā sannisinnā:
 ‘lābhā vata bho videhānaṃ, suladdhaṃ vata⁶ bho vi-
 dehānaṃ, yesaṃ nimi rājā dhammiko dhammarājā dhamme
 t̥hito mahārājā dhammaṃ carati brāhmaṇagahapati-
 kesu negamesu ceva jānapadesu ca. uposathañca upa-
 vasati cātuddasiṃ pañcadasiṃ aṭṭhamiñca pakkhassā’ti.
 devā te mahārāja, tāvatimsā dassanakāmā, abhirama
 mahārāja, debesu devānubhāvenā’ti. alaṃ mārisa, tat-
 theva maṃ mithilaṃ paṭinetu. tatthāhaṃ dhammaṃ
 carissāmi brāhmaṇagahapatikesu negamesu ceva jā-
 napadesu ca, uposathañca upavasissāmi cātuddasiṃ
 pañcadasiṃ aṭṭhamiñca pakkhassā’ti. atha kho ānanda,
 sakko devānamindo mātali saṅgāhakaṃ āmantesi: ehi
 tvaṃ samma mātali, saḥassayuttaṃ ājaññarathaṃ yo-
 jetvā nimim rājānaṃ tattheva mithilaṃ paṭinehīti. evaṃ
 bhaddantavāti kho ānanda, mātali saṅgāhako sakkassa
 devānamindassa paṭissutvā saḥassayuttaṃ ājaññara-
 thaṃ yojetvā nimim rājānaṃ tattheva mithilaṃ paṭi-
 nesi.

17. tatra sudaṃ ānanda, nimi rājā dhammaṃ carati
 brāhmaṇagahapatikesu negamesu ceva jānapadesu ca,
 uposathañca upavasati cātuddasiṃ pañcadasiṃ aṭṭha-
 miñca pakkhassa. atha kho ānanda, nimi rājā bahun-
 naṃ vassānaṃ bahunnaṃ vassasatānaṃ bahunnaṃ
 vassasahassānaṃ⁷ accayena kappakaṃ āmantesi: ‘yadā
 me samma kappaka, passeyyāsi sirasmiṃ palitāni jā-
 tāni, atha me āroceyyāsi’ti. evaṃ devāti kho ānanda,
 kappako nimissa rañño paccassosi. addasā kho ānanda,
 kappako bahunnaṃ vassānaṃ bahunnaṃ vassasatā-

naṃ bahunnaṃ vassasahassānaṃ accayena nimissa rañño sirasmiṃ palitāni jātāni. disvāna nimim rājānaṃ etadavoca: pātubhūtā kho devassa devadūtā, disanti sirasmiṃ palitāni jātānī'ti. tena hi samma kappaka, tāni palitāni sādhuḥkaṃ saṇḍāsena uddharitvā mama añjalismiṃ patitṭhāpehī'ti. evaṃ devāti kho ānanda, kappako nimissa rañño paṭissutvā tāni palitāni sādhuḥkaṃ saṇḍāsena uddharitvā nimissa rañño añjalismiṃ patitṭhāpesi.

17. atha kho ānanda, nimi rājā kappakassa gāmavaraṃ datvā jeṭṭhaputtaṃ kumāraṃ āmantāpetvā etadavoca: 'pātubhūtā kho me tāta kumāra devadūtā, disanti sirasmiṃ palitāni jātāni, bhuttā kho pana me mānusakā kāmā, samayo dibbe kāme pariyesituṃ. ehi tvaṃ tāta kumāra, imaṃ rajjaṃ paṭipajja. ahaṃ pana kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajissāmi. tena hi tāta kumāra, yadā tvampi passeyyāsi sirasmiṃ palitāni jātāni, atha kappakassa gāmavaraṃ datvā jeṭṭhaputtaṃ kumāraṃ sādhuḥkaṃ rajje samanūsāsivā kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajeyyāsi. yena me idaṃ kalyāṇaṃ vaṭṭaṃ nihitaṃ anuppavatteyyāsi, mā kho me tvaṃ antimapuriso ahosi. yasmiṃ kho tāta kumāra, purisayuge vattamāne evarūpassa kalyāṇassa vaṭṭassa samucchado hoti so tesam antimapuriso hoti. taṃ tāhaṃ tāta kumāra, evaṃ vadāmi: 'yena me idaṃ kalyāṇaṃ vaṭṭaṃ nihitaṃ anuppavatteyyāsi, mā kho me tvaṃ antimapuriso ahosī'ti.

18. atha kho ānanda, nimi rājā kappakassa gāmava-
 raṃ datvā jeṭṭhaputtaṃ kumāraṃ sādhukaṃ rajje sa-
 manusāsivā imasmiṃyeva makhādevambavane kesa-
 massuṃ ohāretvā kāsāyāni vatthāni acchādetvā agā-
 rasmā anagāriyaṃ pabbaji. so mettāsahagatena ce-
 tasā ekaṃ disaṃ pharivā vihāsi, tathā dutiyaṃ, ta-
 thā tatiyaṃ, tathā catutthiṃ iti uddhamadho tiriyaṃ
 sabbadhi sabbattatāya sabbāvantāṃ lokaṃ mettāsa-
 hagatena cetasaṃ vipulena mahaggatena appamāṇena
 averena abyāpajjhena pharivā vihāsi. karuṇāsahaga-
 tena cetasaṃ -pe- muditāsahagatena cetasaṃ -pe- upek-
 khāsahagatena cetasaṃ ekaṃ disaṃ pharivā vihāsi, ta-
 thā dutiyaṃ, tathā tatiyaṃ, tathā catutthiṃ. iti uddha-
 madho tiriyaṃ sabbadhi sabbattatāya sabbāvantāṃ
 lokaṃ upekkhāsahagatena cetasaṃ vipulena mahagga-
 tena appamāṇena averena abyāpajjhena pharivā vi-
 hāsi.

19. nimi kho paṇānanda, rājā caturāsītivassasahas-
 sāni kumārakīlitaṃ kīḷi, caturāsītivassasahassāni opa-
 rajjaṃ kāresi, caturāsītivassasahassāni rajjaṃ kāresi,
 caturāsītivassasahassāni imasmiṃyeva makhādevam-
 bavane agāasmā anagāriyaṃ pabbajito brahmacari-
 yaṃ cari. so cattāro brahmavihāre bhāvetvā kāyassa
 bhedaṃ parammaraṇā brahmalokūpago ahosi. nimissa
 kho paṇānananda, rañño kalārajanako nāma putto ahosi.
 so na agāasmā anagāriyaṃ pabbaji. so taṃ kalyā-
 ñaṃ vaṭṭaṃ samucchindi. so tesāṃ antimapuriso ahosi.

20. siyā kho pana te ānanda, evamassa: añño nūna tena samayena rājā makhādevo ahosi yena¹ taṃ kalyāṇaṃ vaṭṭaṃ nihitanti.² na kho panetaṃ ānanda, evaṃ datṭhabbaṃ. ahaṃ tena samayena rājā makhādevo ahosiṃ. ahaṃ taṃ kalyāṇaṃ vaṭṭaṃ nihiniṃ.³ mayā taṃ kalyāṇaṃ vaṭṭaṃ nihitaṃ pacchimā janatā anuppavattesi. taṃ kho panānanda, kalyāṇaṃ vaṭṭaṃ na nibbidāya na virāgāya na nirodhāya na upasamāya na abhiññāya na sambodhāya na nibbānāya saṃvattati, yāvadeva brahmalokūpapattiyā.

21. idaṃ kho panānanda, etarahi mayā kalyāṇaṃ vaṭṭaṃ nihitaṃ ekantanibbidāya virāgāya nirodhāya upasamāya abhiññāya sambodhāya nibbānāya saṃvattati. katamā cānanda, etarahi mayā kalyāṇaṃ vaṭṭaṃ nihitaṃ ekantanibbidāya virāgāya nirodhāya upasamāya abhiññāya sambodhāya nibbānāya saṃvattati: ayameva ariyo aṭṭhaṅgiko maggo. seyyathīdaṃ: sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhi. idaṃ kho ānanda, etarahi mayā kalyāṇaṃ vaṭṭaṃ nihitaṃ ekantanibbidāya virāgāya nirodhāya upasamāya abhiññāya sambodhāya nibbānāya saṃvattati. taṃ vo ahaṃ ānanda, evaṃ vadāmi: yena me idaṃ kalyāṇaṃ vaṭṭaṃ nihitaṃ anuppavatteyyātha, mā kho me tumhe antimapurisā ahuvattha. yasmिṃ kho ānanda, purisayuge vattamāne evarūpassa kalyāṇassa vaṭṭassa samuccheda hoti so tesam antimapuriso hoti. taṃ vo ahaṃ ānanda, evaṃ vadāmi: yena me idaṃ kalyāṇaṃ vaṭṭaṃ nihitaṃ anuppavatteyyātha. mā kho me tumhe

antimapurisā ahuvatthā'ti. idamavoca bhagavā attamanano āyasmā ānando bhagavato bhāsitam abhinandīti.